

Հարցաշար
Առարկայական օլիմպիադայի
«Հայոց Եկեղեցու պատմություն» առարկայի
Հանրապետական փուլ – 2024

9-րդ դասարան - 120 րոպե

N 1-4

Ընտրովի պատասխանով առաջադրանքներ
(0,5 x 4 = 2 միավոր)

1. Ի՞նչ է պատասխանում Քրիստոս սատանային երկրորդ փորձության ժամանակ. **(0,5 միավոր)**
 - 1) մարդ ապրում է Աստծո խոսքով
 - 2) միայն Աստծուն պետք է երկրպագել
 - 3) Աստծուն փորձել չի կարելի
 - 4) մարդը միայն հացով չի ապրում
2. Մինչև ո՞ր թվականն է գործել Սկյուտարի ճեմարանը. **(0,5 միավոր)**
 - 1) 1859 թ.
 - 2) 1857 թ.
 - 3) 1838 թ.
 - 4) 1850 թ.
3. Ըստ 1836 թ. եկեղեցական կանոնադրության՝ կաթողիկոսական ընտրությանը քանի՞ ձայնով էր մասնակցում Մայր Աթոռի միաբանությունը. **(0,5 միավոր)**
 - 1) 4
 - 2) 5
 - 3) 6
 - 4) 7
4. Ե՞րբ է վերականգնվում Սյունյաց մետրոպոլիտությունը՝ Տաթև կենտրոնով. **(0,5 միավոր)**
 - 1) IX դարի առաջին կես
 - 2) XI դարի երկրորդ կես
 - 3) IX դարի երկրորդ կես
 - 4) XI դարի առաջին կես

N 5-9

Կառուցված պատասխանով առաջադրանքներ
(1 x 5 = 5 միավոր)

5. Զաքարյանների ժամանակ իրենց իրավունքները վերականգնում են Անիի, Սյունիքի, _____ թեմերը: **(1 միավոր)**
6. _____ ի կարգադրությամբ Սեղմնուտի ձորակում ամփոփված Ս. Թեոդորոսի գերեզմանի վրա մատուռ է կառուցվում: **(1 միավոր)**
7. Լուսաբացին _____ առաքյալի մայր Մարիամը և մի քանի կանայք գնում են այն այգին, որտեղ Հիսուսի գերեզմանն էր, որպեսզի խունկով և անուշահոտ յուղերով օծեն Նրա մարմինը: **(1 միավոր)**

8. Հովհաննեսի Ավետարանում կարդում ենք, թե հույն մարդկանց մի խումբ գալիս են _____ առաքյալի մոտ և խնդրում հանդիպել Հիսուսին: **(1 միավոր)**
9. Հերովդեսի մահից հետո Հովսեփը մանուկ Հիսուսի և Մարիամի հետ վերադառնում է Եգիպտոսից և կրկին բնակություն հաստատում _____ քաղաքում: **(1 միավոր)**

N 10-11

**Համապատասխանեցում պահանջող առաջադրանքներ՝ յուրաքանչյուրը 4 փաստից
(1 x 2 = 2 միավոր)**

10. Իրադարձությունը համապատասխանեցնել եկեղեցու/վանքի անվանը. (1 միավոր)

1. Ստեփանոս Դ. Տղան Սմբատ Արծրունուն օծում է որպես Հայոց թագավոր:
2. Ս. Գրիգոր Տաթևացին ձեռնադրվում է քահանա:
3. 1562 թ. Միքայել Սեբաստացին հրավիրում է մի նոր գաղտնի խորհրդածողով:
4. Սարգիս Ա.-ն, Պետրոս Ա.-ին կաթողիկոս ձեռնադրելուց հետո, տեղափոխվում է և ապրում երեք տարի:

- ա. Ս. Խաչ մայր եկեղեցի
բ. Ս. Աստվածածին մայր եկեղեցի
գ. Ս. Հակոբ հայոց վանք
դ. Ամարասի վանք
ե. Հոռոմոսի վանք

1	
2	
3	
4	

11. Իրադարձությունը համապատասխանեցնել ժամանակահատվածին: (1 միավոր)

1. Աղթամարի կաթողիկոսությունը, որի կաթողիկոսին հաստատում էին այդ կողմերի մահմեդական տիրակալները, երկար վիճաբանություններից հետո, ընդունում է Էջմիածնի կաթողիկոսության գերագահությունը:
2. Սկսվում է հայ ժողովրդի և Հայոց եկեղեցու վերագարթոնքը, որն անխզելիորեն կապված է Ս. Մովսես Գ. Տաթևացի կաթողիկոսի գործունեության հետ:
3. Կաթողիկ քարոզիչները հաստատվում են Նախիջևանի գավառի մի շարք բնակավայրերում, որով Նախիջևանը դառնում է կաթողիկ եպիսկոպոսության նստավայր:
4. Առաջին անգամ բարձրացվում է կաթողիկոսական աթոռը Սսից Մայր Հայաստան տեղափոխելու հարցը:

- ա. XIII դարի վերջեր
բ. XIV դարի առաջին կես
գ. XVII դարի 30-ական թթ.
դ. XVIII դարի վերջ
ե. XIX դարի 30-ական թթ.

1	
2	
3	
4	

N 12-13

Աշխատանք սկզբնաղբյուրով
(1 x 4 = 4 միավոր)

12. Կարդալ տեքստը և պատասխանել հարցերին. (2 միավոր)

«... դարձավ մարդասեր աստուծու ծառայությանը, այնուհետև մերկացավ [իրենից] իշխանական ցանկությունները, և պարծանքի խաչն առնելով՝ դուրս եկավ ամենակեցույց խաչվածի հետից: Եվ [հավատքի] հրամաններին հավանելով՝ խառնվեց Քրիստոսի խաչակիր գնդին ու շուրջով մտավ միայնակեցական կարգի մեջ ... »:

1. Ո՞ւմ աշխատությունից է մեջբերված հատվածը: (1 միավոր)

2. Ո՞ւմ մասին է գրել հեղինակը: (1 միավոր)

13. Կարդալ տեքստը և պատասխանել հարցերին. (2 միավոր)

«...Այն հիմնեց Ծաղկոցածորի կողմում, բարձրավանդակ տեղում՝ տեսնողներին հիացնող մեծ սրբատաշ քարերով և նուրբ զարդաքանդակներով, լուսաբեր պատուհաններով, եռյակ դռներով, սքանչելիպես գմբեթով, որ նման էր երկնքի գնդին»:

1. Ո՞ւմ աշխատությունից է հատվածը: (1 միավոր)

2. Ո՞ր եկեղեցու կառուցումն ու տեսքն է նկարագրում հեղինակը: (1 միավոր)

N 14-16

Տերմինների, հասկացությունների, պատճառահետևանքային կապերի, փաստերի
իմացություն պահանջող առաջադրանքներ

14.1. Ի՞նչ սկզբունքով է կազմված շարքը: Տվյալ շարքում ո՞ր անունը չի համապատասխանում շարքի կազմման սկզբունքին: (0,5 միավոր)

Հովհաննես, Թովմաս, Մատթեոս, Ալիեոս, Պետրոս, Հակոբոս

14. 2. Ի՞նչ սկզբունքով է կազմված շարքը: Տվյալ շարքում ո՞րն է ավելորդ: (0,5 միավոր)

Սերբեր, լեհեր, հույներ, ռումինացիներ, բուլղարներ

15.1. Գտնել ճիշտ շարքը: Ի՞նչ սկզբունքով է այն կազմված.

(1 միավոր)

- ա. կաթողիկոս, եպիսկոպոս, դպիր, վարդապետ, սարկավագ
 - բ. կաթողիկոս, դպիր, քահանա, եպիսկոպոս, սարկավագ
 - գ. կաթողիկոս, քահանա, վարդապետ, եպիսկոպոս, սարկավագ
-
-

15.2. Գտնել ճիշտ շարքը: Ի՞նչ սկզբունքով է այն կազմված.

(1 միավոր)

- ա. Ս. Ծնունդ, Ավետում, Ս. Սարգիս, Պայծառակերպություն, Վերափոխում
 - բ. Ս. Ծնունդ, Տյառնընդառաջ, Ս. Վարդանանց տոն, Պայծառակերպություն, Ս. Հարություն
 - գ. Ս. Ծնունդ, Ծաղկազարդ, Ս. Հարություն, Պայծառակերպություն, Ս. Թարգմանչաց վարդապետացն մերոց՝ Մեսրոպբայ, Եղիշէի
-
-

16. Բերված պնդումներից ո՞ր երկուսն են ճիշտ:

(1 x 2 = 2 միավոր)

- 1) Խաչի վրա Հիսուս Քրիստոս Հակոբոս առաքյալի խնամքին է հանձնում մորը՝ Մարիամ Աստվածածինին:
- 2) Ավագ շաբաթվա օրերին եկեղեցին վերապրում է մարդկության անցած ուղին՝ դրախտային երանավետ կյանքից, անհնազանդության անկումից մինչև Քրիստոսի հարությանը պարզևած փրկության հուսառատ պահը, շնորհն ու օրհնությունը:
- 3) Երբ Հովսեփն ու Մարիամը 40 օրական Հիսուսին տանում են տաճար ընծայելու՝ մանկանն ընդառաջ է ելնում Աննա մարգարետուհին, որը նույնպես իր կյանքի մեծ մասն ապրել էր տաճարում:
- 4) Առաքյալներից Բարդուղիմեոսն ուշանում է Աստվածամոր հուղարկավորությունից և նրան մխիթարելու համար Թադեոսը հանձնում է Աստվածամոր պատկերը:
- 5) Ս. Մարիամ Աստվածածինն, խաչին, սուրբ նահատակներին, եկեղեցուն նվիրված տոները ևս անվանվում են տերունական:



**17. Շարադրանք
(4 x 0,5 = 2 միավոր)**

- 1. Ինչպե՞ս են ձևավորվել քրիստոնեական եկեղեցու հիմնական ուղղությունները: **Ներկայացրեք դրանք:** (0,5 միավոր)
- 2. Ինչի՞ վրա է հիմնված Հայոց եկեղեցու Հավատո հանգանակը. համառոտ ներկայացրեք բովանդակությունը: (0,5 միավոր)
- 3. Ներկայացրեք Հիսուսի Վերջին ընթրիքը. եկեղեցու ո՞ր խորհուրդն է հաստատվել այդ ժամանակ: (0,5 միավոր)
- 4. Շարադրեք Խաչվերաց տոնի պատմությունը: (0,5 միավոր)